



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 392. De Walberti traditione familiæ in Buriun in pago Enterigawi, nec non de origine comitum de Oldenburg de Stumpenhusen et de Hoia.

**urn:nbn:de:hbz:466:1-36114**

## §. 392.

Tradidit uualbertus pro hildisuith I familiam in *burium* (t).et guber-  
nante  
Corbe-  
iam  
Folcma-  
ro I.

§. 393.

bantur iterum ab Ungariis, qui omnia deteriora faciebant quam antea, nullo tamen e Corbeiensibus nostris interfecto. Unde in aprico est positum, eos, ut antea, latebras suas antiquas repetiuisse in saltu Sollingano. Regem *Heinricum* contempore latitasse in castro Werla, Widekindus Corb. *Annal.* Lib. I. p. 636. seq. e Chronico nostro retulit, qui vero annum, quo hoc usu venit, non indicauit. Quem defectum supplet Chronicon nostrum, e quo luce meridiana clarius patet, omnes recentiores hic miscuisse quadrata rotundis. Hoc loco obseruasse incongruens non erit, Nic. Schatenium in *Annal. Paderborn* P. I. p. 259. glaucoma obiecisse eruditus, perhibentem, se ex abbatum Corbeiensium fastis reperisse, quod Ungarorum in Saxoniam irruptio prima memorata sit in illis ad annum 906, altera anno 915, et tertia anno 924. Schatenius, quod sacramento audemus contendere, Chronicon nostrum nunquam suis oculis usurpauit. Ipse, quæ habet, retulit ex narratione Ouerhami, qui vero furtim, sæpius perperam, cuncta descripsit. Id ex hoc ipso anno palam fiet. In codice enim annus scribitur DCCCCXVIII, quem Ouerhamus pro DCCCCXXIII. reputauit. Hic vero sua præcipiti seripione multos alios, atque etiam ipsum Gundlingium, atque hic porro dñm consiliarium aulicum Ant. Vlr. Erathum in errorem seduxit, quippe qui in *Conspectu Historiæ Brunsvico-Luneburgicæ* p. 7. hanc Vngariorum irruptionem ad annum 925. retulit. Ex his autem momentis videre poteris causam, cur consignationem annorum, ad marginem appositam, mutauerimus.


- (t) *Burium* villam in pago fuisse *Enterigawi*, docet nos abbas noster Saracho in Re- De villa  
gistro. Pagus *Enterigawi* olim in comitatu Hoiano existit iuxta flumen, nunc *Burium*  
dictum die *Wermenau*, usque ad *Mindam* patens. Dilucet id ex diplomate *in pago*  
cesaris *Conradi II.* ad annum 1029, quod reperitur in I. C. *Lunigs Reichs-Enteri-*  
*Archiv Spicil. Eccles.* P. II. im Anhang f. 106. Eo imperator *Sigeberto*, *ecclesie*  
*Mindensis* episcopo, ob interuentum et petitionem *Gisele* imperatricis, *Heinrici regis*  
*et Brunonis Augustensis*, episcopi, suam quandam sitam in proprietate prædiorum  
*ecclesia mindensis in pago Enterigawi in comitatu Bernarti et fratris sui Ditmari*  
*ceterorumque ciuium in eadem silua usque modo communionem venandi habentium,*  
*in siluis campis et paludibus inter flumina Osterbeck et Alerbeke vique in medium*  
*flumen Wermoneum et inde usque ad Nortsublere campum, ad curtem pertinenti Sule-*  
*gon nominatam forestari concessit et banni sui districtu circumuallauit, ea videli-*  
*cet ratione, ut nemo ulterius in eodem foresto sine episcopi successorumque suorum*  
*licentia potestatem habeat venandi, sagittandi, retia et laqueos ponendi, aut villo ingenio*  
*feras decipiendi, quæ merito sub iure banni continentur.* Ex quo euidentissime  
patet, pagum *Enterigawi*, seu, ut ab abbate Sarachone nominatur, *Enterigawi* in  
aliqua dioceseos *Mindensis* parte fuisse collocatum. Cum itaque *Osterbeck* sit  
fluuius *Offenbeck* in comitatu Hoiano, in quo et flumen *Allerbeck* et *Wermenau*  
iuxta præfecturam *Liebenau*, itemque *Sulingen* oppidum in præfectura *Ehren-*  
*burg* reperiuntur, neminem fore speramus, qui dubitet pagum *Enterigawi* in  
comitatu Hoiano existisse, in quo pago supra deprehendimus §. 61. villam *Hoaga*,  
id est, *Hoja*, et §. 246. *Holtbusen* villam, quæ est vel *Holthufen* in præfectura *Hoja*,  
vel *Holthufen* in præfectura *Stoltzenau* intra eundem comitatum Hoianum.  
*Burium* villa ergo procul dubio est vicus *Bubren* in præfectura *Nienburg*. Id  
porro notatu dignissimum esse censemus, illum, qui in villa *Burium* quædam  
tradidit, appellari *Walbertum*, quod nomen, cum in familia *Widikindea* sit usi-  
tatissimum, ut supra vidimus, nobis persuadet, *Walbertum* ex eadem stirpe e  
qua *Widekindus Magnus* procreatus fuit, esse ortum. Quodsi igitur sententiam  
assumimus, *Wicmodam* (§. 61.) fuisse sororem *Hunoldi* et *Helmoldi*, ac *Walini* (§.  
246.) filium fuisse vel *Hunoldi I.* vel *Helmoldi*, *Walbertum* autem filium *Hunoldi II.*  
ac patrum *Gherberti*, qui pro filio suo *Renoldo* in *Anhemathium* villa in pago  
*Enterigawi* bona quædam tradidit, teste §. 454, quod situs locorum nobis per-  
suadet, tunc ille dictus *Wulfariur*, a quo supra (§. 241.) comites de *Oldenburg* de-  
duxit.




Ab anno  
922 vsque  
942 re-  
gnante  
Heinri-  
co I.

duximus, videtur fuisse fator comitum, cognominatorum de *Hoya*. Connexionem eorum fistimus genealogicam tabulis sequentibus.

TAB. I.



TAB. II.



TAB. III.